

于浩◎編

明清史料叢書

續編

國家圖書館出版社

于浩◎編

明清史料叢書

續編

12

國

國家圖書館出版社

第十二冊目錄

勝朝遺事二編 八卷 (清) 吳彌光輯 (清) 宋澤元重訂 一

卷一

瀛涯勝覽 (明) 馬歡撰 一

彭文憲公筆記 (明) 彭時撰 九七

卷二

閒中今古錄 (明) 黃溥撰 一四九

病逸漫記 (明) 陸鉞撰 一九三

瑯琊漫鈔 (明) 文林撰 二三一

水東日記 (明) 葉盛撰 二五三

近峰記略 (明) 佚名撰 三三三

留青日札 (明) 田藝蘅撰 三四五

卷三

今言類編上 (明) 鄭曉撰 三八三

瀛涯勝覽

占城國

其國卽釋典所言王舍城也在廣東海南大海之南自福建福州府長樂縣五虎門開船往西南行好風十日可到其國南連真臘西接交趾東北俱臨大海國之東北百里有一海口名新洲港港岸有一石塔爲記諸處船來到此停泊登岸岸上一寨名設比奈以二頭自爲主內居番人五六十家以守港口去西南百里至王居之城番名佔其城

馬

熱

書

以石壘開四門令人守把王係鎖俚人崇信釋教
頭戴金釵三山玲瓏花冠如中國副淨者所戴之
樣身穿五色細花番布長衣下圍色絲手巾跣足
出入騎象或乘小車以二黃牛前拽而行其頭目
所戴之冠則用菱葦葉爲之亦如其王所戴之樣
但以金綵粧飾內分品級高低所穿顏色衣衫長
不過膝下圍各色番布手巾王居屋宇高大上蓋
細長小瓦四圍墻垣用磚灰粧砌甚潔其門以堅
木雕刻獸畜之形爲飾民居房屋用草覆蓋簷下

高不得過三尺出入躬身低頭高者有罪服色禁
白犯者處死白衣惟王得穿民下元黃紫色皆不
禁服國人男子蓬頭婦人撮髻腦後身體俱黑上
穿禿袖短衫下圍色布手巾並皆赤脚其地氣暖
無霜雪常如四五月之時草木常青山所產者烏
木伽藍香觀音竹降真香其烏木黑潤絕勝他國
出者伽藍香惟此國一大山出他國並無其價甚
貴以銀對換觀音竹如細藤棍長一丈七八尺如
鐵之黑每一寸有二三節他國亦無犀牛象牙甚

廣犀牛形如水牛大者七八百斤滿身無毛黑色
麟甲蹄有三跖頭有一角生梁鼻中長者至一尺
四五寸不食草料惟食刺桐葉并指大乾木糞如
染黃盧木其馬低小如驢水牛黃牛猪羊皆有鵝
鴨稀少鷄矮小至大者不過二斤脚高不及二寸
其雄白耳細腰高尾人拿於手亦啼甚可愛也果
有梅橘西瓜甘蔗椰子芭蕉波羅密諸品波羅密
狀如東瓜外皮如川荔枝內有黃肉塊如鷄卵味
甜如密中有子如雞腰炒食味如栗子蔬菜則有

冬瓜黃瓜葫蘆芥菜葱薑而已其餘果菜並無人多以漁爲業鮮事耕種所以稻穀不廣土種米粒紅色細長二麥皆無槓榔人不絕口而食凡婚姻男先至女家成親過十日或半月男家父母諸親友以鼓樂迎取夫婦回家飲酒作樂其酒則以飯拌藥封於甕候熟欲飲以長節小竹長三四尺者插入槽中入水輪次啞飲吸乾再入水至無味乃止書寫無紙筆用羊皮搥薄或樹皮薰黑以白粉爲字國刑罪輕者杖以藤條重者截鼻盜者斷手

犯姦者男女各烙成疤痕罪甚大者則以硬木削尖放水中令罪人坐其上木尖出口而死就留水上以示其衆歲不置閏但十二月而已晝夜分爲十更用鼓打記其王於歲首用生人膽汁調水沐浴各處頭目採取以爲貢獻之禮王治國三十年則退位出家令弟兄子姪權管國事往深山持齋受戒食素獨居一年對天誓曰我先爲王在位無道願狼虎食我或患病死若一年不死再登位國人呼之曰昔黎馬哈刺札蓋至尊至聖之稱也其

曰屍頭蠻者本是人家婦女但眼無瞳夜則飛頭去食人家小兒糞尖其兒被妖氣侵腹必死人家有此不報官除殺者罪及一家又有通海大潭獄訟難明者則令各騎水牛過潭理曲者鱷魚出而食之直者雖十過無患也邊海有野水牛本耕牛逃山中自生長年深成羣見生人穿青者必趕來抵死番人甚愛頭有觸之者卽有陰殺之心交易用銀或七成淡金甚愛中國磁器紵絲等物換以淡金每以犀角象牙伽藍香進貢中國

瓜哇國

瓜哇國古閩婆國也國有四處皆無城廓別國船至先到一處名杜板次到一處名新村又次到一處名蘇魯馬益又次到一處名滿者伯夷則國王所居也其居以磚爲牆高三丈餘周圍二百餘步內設重門甚整潔房屋如樓高數丈以板鋪細藤簾或花草席坐者蟠膝於上蓋屋用硬木板爲瓦國人所居則用草蓋俱以磚砌土庫高三四尺家私什物皆藏於內而居處坐卧於上國王則蓬頭

或帶金葉花冠身無衣袍下圍絲嵌手巾却再用
錦綺或紵絲纏之於腰名曰壓腰常插短刀兩把
名不刺頭出入赤脚坐車或騎象國人男子蓬頭
女人椎髻上穿衣丁圍手巾男子腰插不刺頭一
把無論老幼貧富貴賤皆有之俱用兔毫雪花上
等鑲鐵其柄用金或犀角象牙雕人形鬼面皆極
細巧男婦俱惜其頭若人以手觸摸或買賣不明
或酒醉狂蕩或言語爭競便以刀刺之強者爲勝
若刺死他人逃避過三日而出則不償命若當時

拿住隨亦刺死國無鞭笞之刑犯罪無大小皆用
細藤背縛擁行用刀於罪人腰眼或軟肋刺死其
國無日不殺人甚可畏也交易用中國歷代銅錢
其杜板之地番名曰賭班寓居千家多廣東汀漳
人以二頭目爲主其間鷄羊魚菜甚賤海灘有一
小池甘淡可飲相傳元朝命將史弼高興征伐閩
婆經月不得登岸船中之水軍士無措欲白盡史
高二人拜天祝曰奉命伐蠻若天與之則泉生若
不與則不生禱畢奮志插鎗海灘泉水隨鎗插處

湧起衆遂得全又行投東半日至新村番名曰革
兒昔本沙灘之地蓋因中國人來創屋遂名新村
至今村主廣東人也亦有千餘家各處番船多到
此處交易一應金寶香貨皆有賣者民甚殷富又
投南船行二時到蘇魯馬益番名曰蘇兒把牙其
港口流出淡水自此大船難進用小船行二十餘
里始至其地亦有村主掌管番人間亦有中國人
港口一洲林木森然內長尾猴萬數聚止其中一
黑色老牡猴爲之主凡婦人之無嗣者備酒飯果

餅之類往禱於老猴老猴喜則先食其物餘令衆
猴爭食食盡卽有牝牡二猴來前交感爲驗此婦
回家卽便有孕否則無甚可怪也又七八十里至
埠頭名漳沽登岸投西南行一日半到滿者伯夷
則王居之處有番人二三百家頭目七八人爲之
輔天氣常熱如夏稻一年二熟米細白芝麻菰豆
皆有惟無二麥土產蘇木金江子白檀香肉豆蔻
薑撥班貓鑽鐵井龜筒玳瑁其奇禽則有白鸚鵡
大如母鷄紅綠鸚哥五色鸚哥皆能效人言及倒

掛鳥珍珠鷄孔雀檳榔雀珍珠雀綠班鳩五色花
班鳩等類異獸有白鹿白猿等類其猪羊牛馬鷄
鴨皆有惟無驢鵝果則有甘蔗石榴椰子芭蕉子
蓮蓬西瓜及蚕吉柿其狀如石榴厚皮內有肉如
橘柚瓣味亦酸甜甘蔗長二三丈其餘瓜茄蔬菜
皆有所無者惟桃李韭菜凡坐臥無床凳食無匙
筯其男女皆食檳榔不絕口食飯則噉去檳榔洗
兩手仍滌以酥油用盤滿盛飯圍坐以手撮八口
中渴則飲水客至無茶惟以檳榔國中人有三等